

لطمية

في شهادة أمير المؤمنين عليه السلام

المعارف وسف سدوا بابها والعباده انطرت ابمحرابها
أويلاه ياسيدي أويلاه ياسيدي

* * *

صاح جبرائيل ناعي بالسمه الهدايه اركانها متهدمه
العروة الوثقه غدت منقصمه وغاب ليث المرجله من غابها
أويلاه ياسيدي أويلاه ياسيدي

* * *

انطبر فوگ الراس امير المؤمنين ابسيف أشقى الناس أرده العالمين
اتيتم الدين بفگد حامي الدين والأكوان اصواب راسه صابها
أويلاه ياسيدي أويلاه ياسيدي

* * *

صاح والله فزت ثغره ابتسم واظن حيث ارتاح من كثرة الهم
تدرى بگلبيه ينازع چم ألم امن السقيفه الصابته ابنشابها
أويلاه ياسيدي أويلاه ياسيدي

* * *

صابته بصواب أ بدن ما يطيب	بسیف مسموم وعجز عنه الطبيب
من دماه انصبغ واتخضب الشيب	وصار من دم شيبته واخضابها
أويلاه ياسيدي	أويلاه ياسيدي
* * *	
گضه كل العمر بتعاب وجهاد	وحمل ما لا تحمله السبع الشداد
لجل دين الله ولجل خير العباد	وسنة الهادي النبي وكتابها
أويلاه ياسيدي	أويلاه ياسيدي
* * *	
هم شفت مثله زعيم الماينام	امساهر الليل او يحن اعله الايتام
والد ألهم يحمل بايده الطعام	هو يطعمها او يزيل أتعابها
أويلاه ياسيدي	أويلاه ياسيدي
* * *	
راح بز الأرملة وغوث اليتيم	وهم على المسكين والبائس حميم
وفد عل باري ابوگلب السليم	تارك الدنيا لهيب عذابها
أويلاه ياسيدي	أويلاه ياسيدي
* * *	
ظلت أصحابه او ولده وعيلته	تنوح لمصابه وفگده ولوعته
وكل فرد تلگاه تهمل دمعتة	تصيح من عظم المصاب الصابها ^(١)
أويلاه ياسيدي	أويلاه ياسيدي

(١) إلى هنا القصيدة من نظم المرحوم الدكتور عباس الترجمان.

واحنه من الحزن نلطم عل صدر
 ياالذي جَيتك مثل ليلة قدر
 او ننتظر مهدينا والمهدي بدر
 ترتقبها بشوق الك طلابها
 أويلاه ياسيدي

* * *

يمته تظهر سيدي يابن الحسن
 وتغير عين الشابحه طول الزمن
 تحيه بيك گلوبنه وتحية السنن
 الدربك وأبدن ملل ما صابها
 أويلاه ياسيدي

* * *

ماكو غيرك أمل صارلنه يقين
 ننتعش ويزول كل جور السنين
 وحكمك ايرد حكم امير المومنين
 وتمحي آثار الفتن واصحابها
 أويلاه ياسيدي

* * *

